

Si Cristo nga Nagpapahulay Nato

Basahong Kasulatan: Gen. 1:26, 31—2:2; Mat. 11:28-30; Exo. 31:12-17

- I. “Ari Nako kamong tanang naghago ug nabug-atan, ug papahulayon Ko kamo. Isangon ninyo ang Akong yugo ug magkat-on mo Nako, kay malumo Ko ug mapaubsanog kasingkasing, ug makakaplag mog pahulay alang sa inyong mga kalag. Kay sayon ang Akong yugo ug gaan ang Akong luwan”—Mat. 11:28-30:**
- A. Nagpasabot ang naghago dinhi dili lang sa kahago sa pagpaningkamot sa pagtuman sa mga sugo sa kasugoan ug sa mga regulasyon sa relihiyon kondili sa kahago sab sa pagpaningkamot nga magmalamposon sa bisan unsang buhat; bisan kinsang naghago sa ingon niana kanunay gyong bug-at nga naluwanan.
 - B. Human dayga sa Ginoo ang Amahan, giila ang paagi Niya ug gipahayag ang diosnong pamatigayon (vv. 25-27), gitawag Niya kining matanga sa mga tawo aron manuol Niya para makapahulay.
 - C. Ang pahulay dili lang nagpasabot nga nakagawas sa paghago ug luwan ubos sa kasugoan o relihiyon o sa bisan unsang buhat ug kaakohan, kondili sa hingpit sab nga kalinaw ug bug-os nga katagbawan.
 - D. Ang pagsangon sa yugo sa Ginoo pagdawat man sa kabubut-on sa Amahan; dili kini pagpabuot o pagpakontrol sa bisan unsang obligasyon sa kasugoan o relihiyon o pagpaulipon ba sa bisan unsang buhat, kondili pagpapugong sa kabubut-on sa Amahan.
 - E. Nagkinabuhi ang Ginoo sa ingon niana nga kinabuhi, walay laing gitagad kondili ang kabubut-on ra sa Iyang Amahan (Juan 4:34; 5:30; 6:38); hingpit gyod Siyang nagpasakop sa kabubut-on sa Amahan (Mat. 26:39, 42); busa, gihangyo ta Niya nga makat-on Niya:
 - 1. Giawat sa mga magtutuo ang Ginoo sa ilang espiritu sa pagsangon sa Iyang yugo—ang kabubut-on sa Dios—ug sa paghago alang sa pamatigayon sa Dios segun sa Iyang sumbanan—11:29a; 1 Ped. 2:21.
 - 2. Ang Ginoo, nga mapinasakopon ug masinugtanon sa Amahan sa tibuok Niyang kinabuhi, naghatag kanato sa Iyang kinabuhi sa nagpasakop ug pagsugot—Fil. 2:5-11; Heb. 5:7-9.
 - 3. Si Cristo ang unang Dios-tawo, ug kita ang daghang Dios-tawo; magkat-on gyod ta Niya sa bug-os nga nagpasakop Niya sa Dios ug sa hingpit nga pagkatagbaw Niya sa Dios.
 - 4. Gibuhat sa Dios sa sulod nato ang gikahimut-an sa Iyang panan-aw pinaagi ni Jesucristo aron makabuhay ta sa Iyang kabubut-on (13:20-21); nagbuhay ang Dios diha nato sa pagbuot ug sa pagbuhay alang sa Iyang gikahimut-an (Fil. 2:13).
 - F. Nagpasabot ang magmalumo, o magmaaghop, nga dili mosukol sa pagsupak, ug nagpasabot ang magmapaubsanon nga dili magpataas-sa-kaugalingon; nagmalumo ang Ginoo sa tanang pagsupak, ug mapaubsanon Siyag kasingkasing sa tanang pagsalikway.
 - G. Hingpit gyod Siyang nagpasakop sa kabubut-on sa Iyang Amahan, wala magtinguha nga mobuhay og bisan unsa alang sa Iyang Kaugalingon o molaom ba nga dunay mabatonan alang sa Iyang Kaugalingon; busa, bisan unsa pa ang

sitwasyon duna Siyay pahulay sa Iyang kasingkasing; bug-os Siyang natagbaw sa kabubut-on sa Iyang Amahan.

- H. Ang pahulay nga makaplagan nato sa pagsangon nato sa yugo sa Ginoo ug pagkat-on Kaniya alang man sa atong mga kalag; pahulay kini sa sulod; dili iya lang sa gawas.
 - I. Nagkat-on ta sa Ginoo sumala sa Iyang panig-ingnan, dili pinaagi sa natural natong kinabuhi kondili pinaagi Niya nga atong kinabuhi diha sa pagkabanhaw—Efe. 4:20-21; 1 Ped. 2:21.
 - J. Ang yugo sa Ginoo mao ang kabubut-on sa Amahan, ug ang Iyang luwan mao ang buhat sa pagtuman niini; sayon kining yugoha, dili pait, ug gaan kining luwana, dili bug-at.
 - K. Nagpasabot ang Griyegong pulong nga *sayon* og “angayan gamiton”; busa, maayo, malulot, kasarangan, maaghop, sayon, makapahimuot—sukwahi sa lisod, bangis, pintas, pait.
 - L. Kon isangon nato ang yugo sa Ginoo (ang kabubut-on sa Amahan) ug magkat-on Niya, makakaplag tag pahulay alang sa atong kalag; sama niini ang yugo sa pamatigayon sa Dios; dili bug-at nga luwan ang tanang naa sa pamatigayon sa Dios kondili kalipay.
- II. Sa Exodo 31:12-17, human sa taas nga rekord kalabot sa pagtukod sa puluy-anan sa Dios, gisublisubli ang sugo sa pagbantay sa Igpahulay; matod pa sa Colosas 2:16-17, si Cristo ang realidad sa pahulay sa Igpahulay; Siya ang kahingpitan, pahulay, kahalom, ug bug-os nga katagbawan nato—Heb. 4:7-9; Isa. 30:15a:**
- A. Ang kamatuoran nga gisal-ot ang kalabot sa Igpahulay human sa sugo sa pagtukod sa tabernaculo nagpasabot nga gisultian sa Ginoo ang mga magtutukod, mga magbubuhat, nga magkat-on nga mopahulay Kaniya samtang nagbuhat sila alang Niya.
 - B. Kon makamao lang ta mobuhat alang sa Ginoo apan dili makamao mopahulay Kaniya, nagbuhat ta nga sukwahi sa diosnong prinsipyo:
 - 1. Nipahulay ang Dios sa ikapitong adlaw kay nakahuman na man Siya sa Iyang buhat ug natagbaw; nadayag ang himaya sa Dios kay naa may dagway Niya ang tawo, ug gamiton na ang Iyang pagbulot-an sa pagpasakop sa kaaway Niya nga si Satanas; basta magpadayag sa Dios ang tawo ug magbatok sa kaaway sa Dios, matagbaw ug makapahulay ang Dios—Gen. 1:26, 31—2:2.
 - 2. Sa ngadto-ngadto, gisaulog ang ikapitong adlaw isip Igpahulay (Exo. 20:8-11); ang ikapitong adlaw sa Dios maoy unang adlaw sa tawo.
 - 3. Giandam na sa Dios ang tanan aron mapahimuslan sa tawo; human lalanga ang tawo, wala siya moapil sa buhat sa Dios; nisulod siya sa pahulay sa Dios.
 - 4. Gilalang ang tawo dili aron mobuhat kondili aron matagbaw sa Dios ug mopahulay uban sa Dios (itandi sa Mat. 11:28-30); gihimo ang Igpahulay alang sa tawo, dili ang tawo alang sa Igpahulay (Mar. 2:27).
 - C. Niingon ang Exodo 31:17, “Sa unom ka adlaw gibuhat ni Jehova ang langit ug ang yuta, ug sa ikapitong adlaw nipahulay Siya ug nahayahay”:
 - 1. Dili lang pahulay alang sa Dios ang Igpahulay kondili kahayahay kun kalunhaw sab alang Niya.
 - 2. Nipahulay ang Dios sa nakompleto na ang buhat Niya sa paglalang; nitan-aw Siya sa Iyang ginama, sa mga langit, sa yuta, ug sa tanang buhing butang, ilabi na gyod sa tawo, ug niingon, “Maayo kaayo!”—Gen. 1:31.

3. Nalunhawan ang Dios sa tawo; gilalang sa Dios ang tawo sa kaugalingon Ni-
yang dagway nga dunay espiritu aron makig-ambitay ang tawo Kaniya; busa,
kalunhaw sa Dios ang tawo—v. 26; 2:7; itandi sa Juan 4:31-34.
 4. “Ulitawo” ang Dios sa wala pa Niya lalanga ang tawo (itandi sa Gen. 2:18,
22); gusto sa Dios nga modawat, mahigugma, mapuno, ug magpadayag Niya
ang tawo aron mahimong asawa Niya (2 Cor. 11:2; Efe. 5:25); sa umalabot
nga eternidad makabaton og asawa ang Dios, ang Bag-ong Jerusalem, nga
ginganlag asawa sa Cordero (Bug. 21:9-10).
 5. Sama ang tawo sa makalunhawng ilimnon nga magkuha sa kauhaw sa Dios
ug magtagbaw Niya; sa nahuman na sa Dios ang Iyang buhat ug nipahulay,
nabatonan Niya ang tawo isip Iyang kauban.
 6. Alang sa Dios, adlaw sa pagpahulay ug paglunhaw ang ikapitong adlaw;
apan, alang sa tawo, nga kauban sa Dios, ang adlaw sa pagpahulay ug pag-
lunhaw mao ang unang adlaw; ang unang adlaw sa tawo mao ang adlaw sa
pagpahimulos.
- D. Diosnong prinsipyo kanang wala ta sugoa sa Dios nga mobuhat sa wala pa ta
makapahimulos; sa hingpit na tang nakapahimulos uban Niya ug diha Niya,
makabuhat na ta uban Niya:
1. Kon dili ta makamao unsaon pagpahimulos uban sa Dios, unsaon pagpa-
himulos sa Dios mismo, ug unsaon pagpapuno Kaniya, dili ta makamao
mobuhat uban Niya ug mausa Niya sa Iyang diosnong buhat; nagpahimulos
ang tawo sa nahuman sa Dios diha sa Iyang buhat.
 2. Sa adlaw sa Pentecostes napuno sa Espiritu ang mga tinun-an, nga nagpa-
sabot nga natugob sila sa pagpahimulos sa Ginoo; kay napuno man sila sa
Espiritu, abi sa uban nga nahubog sila sa bino—Buh. 2:4a, 12-13.
 3. Sa pagkatinuod, natugob sila sa pagpahimulos sa langitnong bino; sa diha
lang natugob na sila ning pagpahimulosa nga nagsugod sila sa pagbuhat
uban sa Dios nga nausa Niya; ang Pentecostes mao ang unang adlaw sa
ikawalong semana; busa, kalabot sa adlaw sa Pentecostes, makita nato ang
prinsipyo sa unang adlaw.
 4. Sa bahin sa Dios kalabot kini sa pagbuhat ug pagpahulay; sa bahin sa tawo
kalabot kini sa pagpahulay ug pagbuhat.
- E. Sa pagbuhat sa diosnong buhat sa Dios sa pagtukod sa iglesia, nga gihulagwa-
yan sa buhat sa pagtukod sa tabernaculo, duna gyod unta tay timaan nga nag-
pakita nga katawhan ta sa Dios ug nagkinahanglan ta Niya; makabuhat na
dayon ta dili lang alang sa Dios kondili uban sab sa Dios nga nausa Kaniya;
mahimo nato Siyang kusog sa pagbuhat ug kalagsik sa pagpangabudlay:
1. Katawhan ta sa Dios, ug duna gyod unta tay timaan nga nagkinahanglan
ta Niya nga mahimo natong pagpahimulos, kusog, kalagsik, ug tanan aron
makabuhat ta alang Niya para mapasidunggan ug mahimaya Siya.
 2. Nagpasabot ang Igpahulay nga sa dili pa ta mobuhat alang sa Dios, magpa-
himulos gyod ta sa Dios ug magpapuno Niya; gisangyaw ni Pedro ang ebang-
helyo pinaagi sa nagpuno nga Dios, kun nagpuno nga Espiritu; busa, dunay
timaan si Pedro nga masigka-magbubuhat siya sa Dios, ug nagpasidungog
ug naghimaya sa Dios ang pagsangyaw niya sa ebanghelyo—v. 14.
 3. Isip katawhan sa Dios, duna gyod unta tay timaan nga nagpahulay ta uban
sa Dios, nagpahimulos sa Dios, ug napuno una sa Dios, ug nagbuhat dayon ta
uban Niya mismo nga nagpuno nato; labot pa, wala lang ta magbuhat uban
sa Dios kondili nagbuhat sab ingon nga nausa sa Dios.

4. Sa pakigsultianay nato sa katawhan sa Dios, kanunay gyod tang magtinguha nga dunay timaan nga ang Ginoo maoy atong kusog, kalagsik, ug tanan aron makapangalagad sa pulong—2 Cor. 13:3; Buh. 6:4.
- F. Ang pagbantay sa Igpahulay mao sab ang walay kataposang kasabotan, o pakig-saad, nga nagpasalig sa Dios nga mausa ta Niya pinaagi sa pagpahimulos una nato Niya ug pagpapuno Kaniya ug pagbuhat dayon alang Niya, uban Niya, ug nausa Niya—Exo. 31:16:
1. Seryoso nga butang kanang mobuhat alang sa Ginoo nga kitakita lang ug wala ta magpahimulos Niya pinaagi sa pag-inom ug pagkaon Kaniya—itandi sa 1 Cor. 12:13; Juan 6:57.
 2. Samtang namulong si Pedro sa adlaw sa Pentecostes, nagpahimulos siya ni Jesus sa sulod, niinom ug nikaon Niya.
- G. May kalabotan sab sa pagbalaan ang Igpahulay (Exo. 31:13); kon magpahimulos ta sa Ginoo ug magbuhat uban Niya, alang Niya, ug nausa Niya, natural kaayo nga mabalaan ta, maginahin ngadto sa Dios gikan sa tanang butang nga kasagaran, ug masuropan sa Dios aron pulihan ang tanang unodnon ug natural.
- H. Sa iglesiahonong kinabuhi magbuhat tingali tag daghang butang nga wala una magpahimulos sa Ginoo ug wala mag-alagad sa Ginoo pinaagi sa pagkausa Kaniya; moresulta sa espirituhanong pagkamatay ug pagkaputol sa pakig-ambitay diha sa Lawas kanang pag-alagara (vv. 14-15).
- I. Magdala nato sa usa ka butang ang tanang may kalabotan sa puluy-anan sa Dios—ngadto sa Igpahulay nga may pahulay ug kalunhaw sa Ginoo; sa iglesiahonong kinabuhi naa ta sa tabernaculo, ug magdala kini nato sa pahulay, sa pagpahimulos sa tuyo sa Dios ug sa Iyang nahuman!
- J. Magsugod gyod ang buhat sa pagtukod sa tabernaculo ug sa tanang kahimanan niini (gihulagwayan sa buhat sa Ginoo sa pagtukod sa iglesia) sa pagpahimulos sa Dios ug magpadayon sa mga gintang sa paglunhaw pinaagi sa pagpahimulos sa Dios; nagpakita kini nga dili ta magbuhat alang sa Dios pinaagi sa kaugalingon natong kusog, kondili sa pagpahimulos ug pagkausa nato Kaniya; kini ang pagbantay sa prinsipyo sa Igpahulay ug ni Cristo nga pahulay sa sulod diha sa atong espiritu.